



UNIVERSITÄTS-
BIBLIOTHEK
PADERBORN

Universitätsbibliothek Paderborn

Formularium Episcopale

Barbosa, Agostinho

Coloniae Agrippinae, 1680

Formula XXII. Indictionis ad ministratio[n]is Sacramenti Confirmationis.

urn:nbn:de:hbz:466:1-10456

FORMULA XXI.

Litterarum testimonialium Ordinis suscepit in propria diœcesi ab alieno Episcopo de Ordinary licentia.

DN. Dei & Apostolicae Sedi gratia Episcopus N..... Universis praesentes litteras inspecturis fidem facimus, & attestamur, quod anno Domini..... sabbato quatuor temporu.....

facultate, & speciali mandato Illustrissimi & Reverendissimi Domini, D. Roderici à Cunha, Archiepiscopi ac Domini Bracharæ Augustæ, Hispaniarumque Primate, &c. generales Ordinationes in Ecclesia S. N. Bracharæ celebrantes dilectum nobis in CHRISTO N. procreatum ex N. & N. conjugibus de Parochia S. N. oppidi N. hujus Bracharen sis diœcesis ad.... Ordinem ritè promovimus, eique dictum Ordinem de speciali licentiâ prefati Illustrissimi contulimus. In quorum fidem, &c. Dat. & actum ut supra, &c.



CIRCA SACRAM. CONFIRMATIONIS.

EPISCOPUS quilibet Sacramentum hoc incivitate, ubi Sedem habet, singulis annis, in diœcesi vero quolibet tempore, & loco dum ipse personalem visitationem peragit, administrare debet, cuius Monasterij dignitati & sanctitati ut ex omni parte reverentia cultusque respondeant, hac, que adiiciemus, ab omnibus debent ut necessaria observari.

De hoc Confirmationis Sacramento egi sup. alleg. 30.

FORMULA XXII.

Indictionis administrationis Sacra- menti Confirmationis.

Notum sit omnibus & singulis Parochis, abbatis, Rectoribus, & civitatis Bracharen. ceterisque quibuscumque in eadem civitate & diœcesi commorantibus, Illustrissimum & Reverendissimum Dominum D. Rodericum à Cunha, Dei & Apostolicae Se-

dis gratia Archiepiscopum. ac Domum Bracharæ Augustæ, Hispaniarumque Primate &c. die.... cum lequentibus Sacramentum Confirmationis, juxta ritum S. Romanæ Ecclesie in Cathedrali administraturum, ideo quicumque intra hujus civitatis, & diœcesis fines habitantes, qui adhuc Confirmation non sint, illud omnes suscipiant, qui per ætatem idonei erunt, sciantque, qui neglexerint, non sine Canonicis disciplinis posse illud præter.

prætermittere. Datum. Bracharæ Au-
gustæ die... Mens... Ann....

Postquam Parochus de constituto die
Chrismatis administrans ex supradicta
Etate Illustrissimi Domini Archiepiscopi
indictione admonitus fuerit, iis diebus,
qui sacram hanc actionem præcedent,
eos omnes qui confirmandi sunt in sua
Parochia perquirere debet, & non
solum ipsos separatim, sed etiam uni-
versum populum suacura, & custodie
spirituali commissum inter Missarum
solemnia diligenter edocere ea omnia,
que ad hoc Sacramentum ritè admini-
strandum, & recipiendum pertinere
intelliger.

Quapropter si hac indictione perciviat
atem, & diæcsem in quibuslibet Ec-
clesiis Parochialibus, alisque publicis
locis affixa sit, & ab ipsis etiam Concio-
natoribus iussu ejusdem Illustrissimi D.
Archiepiscopi divulgata, non tamen
ipse Parochus suo muneri hac jure ulla
ex parte defit, sed illam pariter inter
Missarum solemnia legere, & declarare
non prætermittat.

Atque ut pariores fideles ad hoc
Sacramentum se conferre possint, illius
que sanctitatem, utilitatem, & neces-
sitatem recte expendere ex Romano Ca-
techismo, alisque ecclesiasticis Aucto-
ribus colligere cureret quadam præcipua
ipsius capita, doceatque opportunè, quæ
necessaria sit hujus doctrina Sacra-
menti, declareret nomen ipsum Confirmationis,
ipsiusque vim appetat, quid inter
Baptismum, & Confirmationem inter-
sist, quæ sit ejus materia, quæ forma quis
minister esse debeat, quos effectus pareiat

aliaque hujusmodi, quo tanquam inci-
tamenta erunt, ut ipsi fideles eo præser-
tim tempore intelligentes se Christi mi-
litantes fieri, ardentiore animo, totisque
viribus ad dimicandam contra generis
humani hostem, & contra peccata tota
sue vita tempore se comparent.

Et quia per hoc Sacramentum Spir-
itus sancti gratia in corda fidelium in-
funditur, hortetur in primis Parochus
confirmandos ut eorum unusquisque, &
sint in idonea atate, per sanctam Con-
fessionem illa purificet, & munda ejus-
dem sancti Spiritus vase, templaque ef-
ficiat. Horetur insuper, ut si fieri potest,
ad illud recipiendum jejunii accedant,
aut saltem parcam, & sobriam corporis
refectionem adhibeant. Moneat, cures-
que, ut tam Confirmandi, quam Patri-
ni in Parochiale Ecclesiam horum die-
que præstituto convenient, unde ad il-
lam Ecclesiam eundum erit, in qua
Chrisma administrabitur, devote, &
processionis ritu, Crucis vexillo præced-
te eoque ordine, ut mores à fœminis se-
gregentur, tam inter eundum, quam in
ipsa Ecclesia, & prius mares, quam fœ-
mine ad Confirmationem recipiendam
accedant: demum hortetur ne quisquis
adhuc Sacramentum accedit, sive Pa-
trinus sit, sive confirmandus, modestè,
& reverenter deposito omni armorum
genere eo se conferat, mulieres vero ve-
lato capite sint, eamque pietatis, &
religionis speciem pra se ferant, que hu-
jus mysteriū celebrationi à devoto præ-
sertim fœmino sexu debetur.

Cum Sacramentum hoc characterem
imprimat, atque ipsum iterare sit
nefas

nesas, qui semel eo confirmati fuerint, caveant, ne illud iterum recipiant. Quod si quis confirmatum se esse ignorat, aut non meminerit, de hoc certior fieri diligentissime studeat à parentibus, aut affinibus, aliisque, quos id scire posse existimet. Si verò neque ab iis aliquid certi accipere potuerit, tunc rectius cum Illustrissimo Archiepiscopo communicata, illius consilium sequatur. Nemo sive mas, sive fœmina ad Confirmat. recipiendam adducatur, qui annis septem minor sit natu, ut aliqua ex parte illius Sacra. vim intelligere possit, cumque adoleverit, se illud percepisse reminiscatur. Nemo item adducatur aut ad idem Sacramentum accedit, quin sit ex diœcessi, nisi legitimam aliquam ob causam, quam Illustriss. Archiepiscopo proponat, ut illa cognita, antequam confirmetur, ab eodem vel admitti vel dimitti possit. Confirmandi vero omnes & singuli fasciam albam mundamque secum afferant, qua post Confirmat. receptam sacra illa Unctio donec exsicetur, alligari debet, postmodum autem à fronte ablata igni comburendam tradent, & per aliquos dies à capitellis ablutione abstinebunt. Afferant etiam schedulam ipsorum Parochorum subscriptione communitatam, in qua nomina, & cognomina ipsorum Confirmandorum, item patris, matrisque eorundem: & patrini, seu matris, & Parochie, in qua habitent, de scripta sint in hanc quæ sequitur formam, N. ætatis annorum.... filius, vel filia N. & N. de Parochia sancti N. oppidi, vel loci N. hujus dicæsis Brachialis Chrismatis Sacramento Con-

firmari petit, Patrinus erit N. sive Matrina erit N. ex Parochia Sancti N. In quorum fidem &c. die... Mens... Ann. Ego N. Parochus S. N. manu propria. In hoc Sacramento Patrinus, sive Matrina necessarius est, unus tamen, aut unatantum, neq; enim admittuntur Patrinus, & Matrina simul, quemadmodum in Sacramento Baptismi earum vero est de gerendo adversus Principē tenebrarum bello confirmatos instruere, & non solum spirituali opere, ubi necessit, pro viribus juvare, atque idcirco antiquissimi ritus observatio illa mystica est, ut Patrinus, sive Matrina dextra Confirmandum teneat, quem Episcopo offert, aut sijam adultus sit, pedem suum super dexterum Patrini, sive Matrina ponat, nempe ut intelligat se ad id usque tempus imbecillem spiritualibus viribus fuisse, neq; adversus Satanam fortiter pugnare potuisse, nisi per hoc Sacramentum confirmaretur, & sustentaretur, Patrini & Matrina maiores natu esse debent ipsis confirmandis, ut officio suo erga eos, quos suscipiunt melius satisfacere possint; nec etiam qui sacro Chrismate nondum Confirmantur, vel eo ipso die quo confirmantur item nec illi qui excommunicationis, aut interdicti vinculo irretiti sunt, que item Paschali tempore proximi sacram Communioni non sumpserunt; nec verò præterea qui gravi, publico ve peccato subjacent. Viri pueros, fœmine & puellas suscipere in hoc sacramentum debent. Isdemque eodem die duos, aut tres ad summum pueros, puellasque suscipere licebit, non autem plures. Res

Res porrò, que ad ministrandibus Sacramenti usum necessaria apparetur, erunt hæc. Indumenta sacra Archiepiscopi, tum assistentium, Vasculum Chrismatis in peculiula rite & decenter accommodatum, lana gossypina seu bombacium ad usum abstergendæ frontis sacro Chrismate illata, cuius bombacij tanta copia parabitur, quanta satis videbitur pro ratione multitudinis fidelium ad Confirmationem suscipiendam convenientium Mantilia duo usui Ecclesiastico addita, unum ad abluendum, alterum vero ad abstergendam frontem. Pellices duæ, una cum bombacium colligendum, altera ad manus lavandas. Medulla panis ad abstergendas manus, & manu tergium. Cerei duo, qui preferentur Archiepisc. Sacramentum hoc ministrandi. Vasa quæ ad alterum mantile made faciendum.

Habeat unusquisque Parochus liberum, qui nullatenus usui inserviat, nisi ut in eo describantur nomina, excognomina Confirmatorum, patrumque & matrum parochia in qua habitant, item similiter Patrinorum, seu Matrinarum, nec non ipsius Episcopi administrantis, tum dies, mensis, & anni, & nomen ipsum Ecclesiae, in qua chrisma fuit administratum, in hanc formâ

Liber Confirmatorum Sacramento Chrismatis Parochia S. N. die... Mens... Ann.... N. ætatis annorum... filius N. & N. ex Parochia sancti N. Chrismatis sacramento fuit Confirmatus ab illustrissimo & Reverendissimo Domino D. Rodirico à Cunha Archiepiscopo ac Domino Brachara, Patrinus, seu Matrina fuit N. ex Parochia sancti N. administratam vero fuit hoc Sacramentum in Ecclesia Collegiata, seu Parochiali Sancti N.

CIRCA SACRAMENT, POENITENTIAE.

QUAMVIS Presbyteri in sua Ordinatione à peccatis absolvendis potestatem accipiant, decernit tamen sancta Tridentina Synodus less. 23. de reformat. cap. 15. nullum etiam Regularem posse Confessiones secularium etiam Sacerdotum audire, nec ad id idoneum reputari nisi aut Parochiale beneficium, aut ab Episcopo per examen, stilli videbiture esse necessarium, aut alias idoneus indicetur, obtineat, privilegiis, & consuetudine quacumque etiam immemorabili non obstantibus. Quare visum fuit mihi non inutile, formulas inserere, quibus haec licentia sint concedenda, & sunt quæ sequuntur.

FOR-